

# Signur G. Fidel Tuor, Fabricant, Trun (N. 3-XI-1875 - † 4-I-1955)

Autor(en): **G.G.**

Objektyp: **Obituary**

Zeitschrift: **Igl Ischi : organ della Romania (Societat de Students Romontschs)**

Band (Jahr): **42 (1956)**

PDF erstellt am: **16.07.2024**

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Nus lein perquei mai emblidar sia gronda premura pil general beinstar de siu pievel e mantener el en buna e pia memoria.

R. I. P.

(Pli bia ed extendiu davart la veta e las prestaziuns dil preziau defunct, sgr. insp. Albert Spescha, mira: BT nr. 91, 1954, necrolog screts da siu successur L. B.; Gasetta Romontscha digl avrel 1954, Casa Paterna dil medem meins, sco era »Schulblatt« dil trimester, 1954, etc. etc.)

Gm Ga

## II.

### † Signur G. Fidel Tuor, fabricant, Trun


(N. 3-XI-1875 — † 4-I-1955)

La notg dils 3/4 de schaner 1955, ei sgr. G. Fidel Tuor, fabricant, Trun, »ius tier Niessegner«, sco nos buns vegls numnavan il murir.

Bein ch'igl ei vegniu scret bia bials e zun meritai necrologs en nossas gasettas grischunas ed en autras ordeifer nossa tiara, mereta il car defunct era egl Ischi enzaconts modests plaids de pia memoria.

»Signur Tuor«, sco el vegneva numnaus cun respect da nies pievel della Cadi, ei staus ina **personalitad**, ina personalitad dil-tuttafatg singulara, sco nus havein mo mintga 100 onns ina en nossa tiara! El auda ni tiels »politichers«, ni tiels poets, ei staus ni scienziat ni scrutatur — e tuttina d'in format tut agen, en tuts graus.

Naschius e tratgs si a Rabiis en ina modesta casa sursilvana, passentau sia giuventetgna en ina famiglia cristiana ch'el ha, eis el staus necessitau da giuven ensi d'ira per la via ualti dira, mo che meina il curaschus e perseveront adina ensiviars. Oravon



tut **perseveronts** ch'el ei adina staus — schebein entschiet aschi modestamein sco'l veva — ha el a d i n a teniu la dira, sco sem- pel cummis, sco representant d'ina gronda fatschenta, sco cum- prader e niev iniziand della veglia fabrica de Trun, per allura — suenter 40—50 onns de stufia e savens malengrazieivla lavur — finir ses onns de span e debat permiez ina flurenta fatschenta che dat oz paun e gudogn a buca meins che 350 persunas! E quei tut ei reussiu ord atgna forza; franc buc ina caussa ordinaria en nossas relaziuns aschi stretgas, savens aschi stretgas! Bein en- zatgei grond e bi! Mo quei ch'ei aunc de stimar pli ault, ei il fatg

che sgr. Tuor ha mai schau crescher la cresta en ses dis de success e ventira; anzi, ch'el ei adina restaus igl um modest, sincer e real, igl um integer, respectau e stimau de tut quels che san mirar sin in carstgaun de success senza tschaghignar cugl egl uiersch della scuidonza!

Sgr. Tuor ei staus in um che ha mai schau pender las alas, igl um che ha adina luvrau, mai cedi; igl um fideivels a ses buns principis de gestadad e recliadad. Umens de tala tempra daventan magari dirs els combats della veta: el denton ei adina restaus sempels da cor e misericordeivels cun ils basegnus de tuttas sorts. E tgi less snegar, che gest quella vertid hagi buca gidau ad augmentar sia ventira?

Nus lein buca descriver cheu, co el ha capiu de tener il pass cul temps modern, e co igl ei reussiu ad el d'amplificar e carschentar sia flurenta fatschenta; quei sa oz in e scadin. Na, quei che vala ton sco gliez schai en quei ch'el ha prestau pil beinstar economic general de sia vischnaunca e della Cadi. Sco lu era, per ex. la fundaziun della cassa de Raiffeisen de Trun, il sustegn ideal e material della scola de professiun a Cumpadials etc.

Havein nus seregurdau cuortamein dil bien ch'el ha fatg pil beinstar de tontas familias sursilvanas, sche lein nus cheu egl Ischi era engraziar ad el sinceramein pil **«Curtin d'honor»**, a Trun sper Sontgonna, ch'ei **per gronda part si'ovra**, essend finanziada dad el! Il medem vala era per l'ediziun festiva dellas ovras de siu quinau p. m., nies grond poet **Alfons Tuor**, ch'el ha finanziau essenzialmein! Talas prestaziuns dad umens della veta economica valan la finfinala melliga depli — gie ein gnanc de paregliar buc — cun las triolas e tiradas de certs romontschs ch'han adina en buca ils plaids »cultura romontscha« e sai jeu tgei bia, e che prestan ni ideal- ni realmein la minima caussa da quellas varts.


Success exteriurs han alzau quei um els egls dil pievel, mo quei che vala dapli, ei stau siu bi character: siu cor misericordeivel, sia modestadad, sia energia e forza de lavur, sia tempra de ver cristian. Perquei mantenin nus sgr. Tuor en buna e pia memoria. R. I. P.

(Pli bia davart la veta ed ovra dil car defunct, mira: »En memoria de sgr. fabricant Fidel Tuor«, necrolog da Sur can. dr. C. Fry, Gasetta Romontscha nr. 2, 1955; sco era G. R. nr. 3, 1955. Plinavon il necrolog screts da sgr. mistral Gieri Vincenz, Trun, comparius en nr. 6 dil BT dils 8 de schaner 1955. En quest liug astgein nus forsa era far attents sin nossa lavur historica davart l'ovra de sgr. fabricant Tuor, comparida el Glogn de 1948, p. 93—120.) Gm. Ga.

### III.

† Sgr. prof. Giusep Lombriser, Zignau / Friburg

(N. 29-IV-1873 — † 22-VI-1955)



Gnanc tgisa buc, denter ils prominents commembers ed amitgs della Romania ch'ei n i a casa per adina, mereta senz'au-ter era sgr. prof. G. Lombriser enzaontas lingias de pia ed en-grazieivla memoria!